

皇清文穎續編

皇清文穎續編卷首五十六

御製詩

五言排律

經畧額勒登保奏報元旦親督官兵痛剿高三
馬五大股賊匪殲戮併生擒解散者二千餘
名詩誌感慰

賊恃南山險函頑推馬

五高三二奸爲逆久一將運

機勞藏窟謀雖狡乘時勝必操春初奮征勦歲首建

旌旄已佔陽坡峻漫從陰嶺逃叩

天速赦罪優渥霈

恩膏

樂安和敬誌八韻

天和安樂趣三字仰

奎文心定斯安適業修自樂羣承

先疊紹述體

訓勉尊聞頤性澄諸慮持躬息衆紛一泓如止水萬

變總浮雲莅政應無逸臨民首克勤仁風布駘蕩佳
氣結氤氲願協

高皇治昇平寰宇欣

河徙十韻

永定原安軌驚心故道移決堤波泛溢奪溜浪奔馳
漂沒黎民渙傾顛屋宇夷黍禾全浸失婦子遍流離
散賑救生命推恩拯溺飢此災實罕見子咎又奚辭
竭盡哀懷苦翻增午夜悲省躬誠有罪

示警本無私平孽念遙繫剝膚患近施叩

天消異漲恬靜溥

鴻慈

河復六韻

永定驚奇變憂心四月同欣聞大河復敬感

昊恩隆重築新堤固全消舊漲融去沙流自暢涸潦
路能通

神佑抒誠謝臣勞沛澤充安瀾願悠久紀事惕予衷

冬暖八韻

御園度誕日冬暖衆心怡
河復堤初築民安賑徧施
雄師雖漸徹餘賊尙紛馳
勦撫原兼用愚頑忍盡夷
怙終罪未滿肆孽惡仍滋
宥過祈

天赦祛邪溥

昊慈轉旋大元氣幹運小春時
三捷羣黎定飛章陝
蜀陲

軍營大局指日可定盼捷寸衷倍切偶成六韻

示內廷諸臣

衆正行師吉占符九二爻雄兵全據隘殘賊已傾巢

黨與皆消敗妻孥盡棄拋籠樊

人傑

兼礫狗

苟文

誅李

彬

繼除蛟

湯思

事葳

還謨展功成新歲交蕩平期迅速邪教息喧呶

小陽春八韻

良月候融洽黃縣暖似春溫暾徧宇宙和氣普臣民

畿甸報中稔黍禾穫滿園轉豐蘇赤子救歉荷

蒼旻更祝康年屢尤欣捷奏頻七秋殄邪孽三省息
征塵衷感

天恩浩心欽

考訓遵持盈彌敬慎易俗願還淳

嘉慶九年二月三日幸翰林院錫宴仍以張說

東壁圖書府五律字爲韻賦東字音字二首

敬依

皇考原韻勅諸臣各分一字賦詩

翰苑儲才藪輝騰魏闕東溯源探學海繼

志正文風日啟仲春首年占甲子同立身勗修業獻
賦漫程功暖挹林暎煦光分樓雪融書帷夙執禮輔
相弼予躬

如環花甲轉設醴會儒簪漫感新恩疊都從舊典尋
登瀛會溯古在泮願匡今樂奏九韶叶鐸傳三爵斟
集賢期論道作頌莫忘箴

聖澤敬宣述載賡永矢音

敬題四知書屋八韻

祖額依清曠

考題闡四知道源千古合

心法萬年垂微顯皆從直剛柔用適宜愛民竭誠意
勅政守隆規察理必兼聽保中無越思有容遍含蓄
唯斷總綱維背構揚

而烈瞻楣感

聖慈勉承

庭訓切勸敬念常持

岫雲寺二十韻

山脈太行接尋幽邃谷採披烟盤曲棧聽雨入層嵐
直到宗門裏虔瞻古佛龕午鐘逸響動春升靜香旛
鹿苑偶停蹕花宮暫駐轡未明般若諦漫訪釋迦談
更上延清閣還尋太古庵雲生豈離岫龍起總依潭
老樹撐巖秀飛泉注澗甘屋懸流淅瀝壁矗嶂呀喏
塵寂聞思六心皈法乘三慧風下蓮座甘澤散經雨

大旨先無我微言在去貪聖王道一貫儒釋理同參
極樂人天喜歸仁民物覃示慈難普濟調御每懷慙
實境何由得虛榮曷敢耽求安師孔孟室欲問瞿曇
丈室塵襟憩岩齋潤景含拈吟誌佳澍霽懸四郊酣

觀海

登樓舒遠目大海接高旻始識天無際方知地有垠
歸墟宏量廣重潤瑞符陳委水滄溟合朝宗江漢循
鯁宮隱雲霧蛟室失昏晨浩浩經千劫湯湯歷萬春

明霞建赤幟皎旭浴朱輪宇宙一坏土提封九點塵
欄邊潮蕩激烟外島嶙峋滉漾浮青嶂微茫指碧津
求仙鄙炎漢泛渚笑嬴秦妄想山多藥侈談關似銀
禽填盡虛誕蠡酌總愚騷迴憶年華舊今來歲月新
隨

鑾扈清蹕溯典舉時巡益切持盈志入瀛被化淳

臨故太傅大學士朱石君第賜奠抒痛得十二

韻

丙歲從函丈相依三十年清風常晉接正誨日敷宣
先帝褒忠直百條仰俊賢贊襄期永弼啟沃願長延
抱疾猶趨侍養疴冀速痊忽驚千古別難遣寸衷悵
攀馭

珠邱表騎箕絳闕邊棄予辭禁苑隨

聖麗霄躔德化銘心久良猷篤志堅半生惟獨宿一
世不貪錢述實五言挽抒悲三爵連臨喪虛設醴痛
結淚傾泉

皇考高宗純皇帝聖訓實錄告成御保和殿行禮恭

紀

六十繼三載化成久道彰

祖

宗

紹統緒天地大文章卷括圖書富輝騰日光

帝哀閭幽顯

實錄述精詳彪炳玉衡麗虔恭金匱藏八春集事類

五部纂練細

駿烈昭悠遠

鴻猷溥熾昌琅函陳殿闕珍笈別紅黃拜受彌寅惕
敬觀肇引長

君師作法則朝野振維綱四表同風被

十全我武揚瑤編盡美善錦帙蘊芬芳首部儲綸閣
前規溯瀋陽乾清拱北極石室貯東堂

大業垂千禩

豐功暨萬方聲威敷有截

德澤衍無疆

訓政虞難荷守成凜不忘中和致位育勤謹勅幾康
希

聖窺涯涘

傳心敢怠遑生民所未覩

謨典邁虞唐

憫忠詩三十韻

君以民爲體宅中撫萬方分勞資守牧佐治倚賢良
切念同胞與授時較歉康罹災逢水旱發帑布銀糧
溝壑相連續飢寒半散亡昨秋泛淮泗異漲並清黃
觸目憐昏墊含悲覽奏章痾瘼原在抱黎庶視如傷
救濟蘇窮姓拯援及僻鄉國恩未周遍吏習益荒唐
見利卽昏智圖財豈顧殃濁流溢鹽漬寃獄起山陽
施賑忍吞賑義忘禍亦忘隨波等瘼狗持正犯貪狼
毒甚王仲漢哀哉李毓昌東萊初釋褐京邑始觀光

筮仕臨江省察災莅縣莊欲爲真傑士肯逐黷琴堂
揭帖纔書就殺機已暗藏善緣遭苦業惡僕逞兇鉉
不慮干刑典惟知飽宦囊造謀始一令助逆繼三祥
義魄沈盃茗旅魂繞屋梁棺尸雖暫掩袖血未能防
骨黑心終赤誠求案盡詳孤忠天必鑒五賊罪難償
瘴惡法應飭旌賢善表彰除殘警邪慝示準作臣綱
爵錫億齡煥詩褒百代香何年降申甫輔弼協明揚

詠二十四氣

有序

三百六旬仰

帝樞之幹運七十二候欽

聖製以昭垂惟太平調協氣之符斯通正合周天之
矩溯念徵於疇範疊紹

前謨勤變理於璣衡踵成新什粵自羲經畫卦取象
四時農帝課耕肇區八節有熊漸開夫六術大
撓始測夫五行瞻斗綱以別幹支是生神策驗
晷刻而權消息特掌靈臺設分至啟閉以名官

考羸縮疾徐而紀歲志釐工於堯典事冠虞書
繫小正於夏時語徵戴記顧臚十二月之序候
應以中氣爲憑欲探甲子朔之元日至雖千歲
可定若乃時訓義賅乎政要汲冢留餘月令名
列於學官曲臺近古候積三而爲氣數應當期
辰指兩以無中法參置閏合孟仲季之鱗次爲
二十四之環周仁體於元迓農祥而晨見
立春
水生於一滋木德以春榮
雨水
盛陽彰啟蟄之

功地雷奮出

驚蟄

合社助祈穰之福日夜平分

春分

頒新火於千家芳蕙秀茁

清明

布濃膏於

百穀繡壤菜鋪

穀雨

卜茂豫以方昌桐生維夏

立夏

盼穡收之徧滿麥熟先秋

小滿

辨嘉種於

平疇芒舒澤草

芒種

佇景風於敞榭火應星躔

夏至

扇薄暑以助恢食物資長養

小暑

沛時霖

而含潤溽土位中央

大暑

迎素顯以司權早涼

歸樹

立秋

覩白藏之應律餘燠隨颺

處暑

甘露

云濡叶金行於爽序

白露

嘉禾告稔朗弧宿於

中宵

秋分

水涸三秋湛珠華而瑩潔

寒露

霜清

九野徵玉宇以蕭森

霜降

陽月指而生冬纔驚

隕穽

立冬

涼雨凝而成雪細灑飛英

小雪

同雲

報豐玉之占砌呈三白

大雪

長日動飛灰之瑄

線認五紋

冬至

乍合凍以凝寒吹騰廣莫

小寒

倏除田而擊菹臘餞嘉平

大寒

凡茲陰陽少太

之潛移悉本生朔送迎而遞嬗憶昔

題拈呂覽

宣毫陋東海之篇泊子序展幽圖寫韻燦西清之筆
茲以幾餘託興賡載摭吟撫節候以重排似番
風之疊引問雨暘而稽寒燠規日月而考星辰
訂作訛成易之經由分得合積章部會元之算
舉正歸餘食哉惟時貞百度必先歲省詩以言
志厯一人所重民依畧舉弁言非矜藻思云爾

立春

帝王重省歲四序始於春天德惟生物君心在止仁
一元資品彙萬象幹陶鈞京尹郊迎氣農祥星見晨
土蘇初起蟄氷解躍潛鱗寰寓三陽暢雲翹樂舞陳

雨水

木德青陽展根從天一生陰凝含肅霽土潤暢滋榮
正月應中氣寅方指玉衡溪邊獺取祭霄半鴈長征
妙合乾坤泰昭蘇動植萌和甘相感召庶彙叶咸亨

驚蟄

地奮氣機暢蟄蟲皆震驚發揚初蠕動隱伏始蜚行
緋萼陸離煥黃鸝睨睨鳴化鳩感育物布穀喜催耕
應候舒羣植叶時溥廣生招搖臨甲位展拓啟勾萌

春分

九十日之半敷榮品物欣陰陽相協合晝夜恰平分
燕子簷間繞雷公霄際聞發聲啟潛蟄掣電透輕雲
祈社求多福勸農始力勤郊圻遍耕作和氣洽氤氲

清明

體驗清明候季春陽氣充柳榆取新火蘭蕙轉光風
穎苗千畦麥華舒百尺桐化駕感田鼠映日見長虹
敷土增追慕禁烟憫守忠家家皆掃墓達孝與天通
穀雨

和氣妙縈結滋培兆歲康羣生含潤澤甘雨助豐穰
青壠茁嘉穀綠萍漾錦塘鳴鳩拂其羽戴勝降于桑
蠶事時初屆農功候益忙陽春序咸暢長夏繼繁昌

立夏

韶華昭美富節候立朱明東作始蕃育南訛益茂榮
蕃昌皆感化長養溥平成蚯蚓承陽見穀蟲應序鳴
土瓜看已結田麥喜將呈大德盈羣彙誕敷九夏清

小滿

陽氣初充實嘉生小滿敷柳烟方羃戀梅雨正涵濡
火旺茶英秀陰柔葶蒨枯栽培槐夏始成熟麥秋符
碧浪連遙渚黃雲接遠蕪欣看植多稼勞力憫農夫

芒種

蕤賓啟玉律盛樂八音揚麥壠穎全穫稻畦種有芒
臨風翻穠稔殮露威螳蜋鳴始百勞噪聲收反舌藏
化機孚蠢動物候及飛翔待展方壇祀无疆厚德彰

夏至

日長應星火陽盛一陰生熟麥薦宗廟耘田植稻秔
角垂麋鹿解韻轉蟬蛄鳴半夏茁原野兩端衡重輕
氣旋由二至金伏待三庚爭辨剛柔際定心守潔清

小暑

昏火旦奎候氣蒸暑尙微溫風極披拂烈日倍光輝
蟋蟀居墻壁鷹鷂學奮飛含靈咸轉運致養括樞機
種稻香颺漾耘禾汗雨揮田功正辛苦茂對念民依

大暑

土德歲中旺陰陽二四凝暑威未蕩滌濕氣益薰蒸
腐草形難復流螢耀可憑赫炎積湫溽露濡沐清澄
礎潤爲霖驗益傾日肅徵漸消蘊隆勢漫飲玉壺冰

立秋

大火西流候授時
屆白藏金風薦涼爽
玉露滴濃穠
蟬正千枝噪
桐先一葉翔
興來吟子美
聲至賦歐陽
夷則氣含肅
蓐收音應商
稼成農樂稔
比戶慶豐穰
處暑

溽暑因秋斂
炎蒸氣盡消
蒼鷹捕飛鳥
珠露咽鳴蜩
商肅通天地
日高淨沕寥
嘉禾普成熟
瑞穀遍滋饒
川靜潦將徹
林疎葉漸凋
廣庭挹清潔
爽籟響調刁
白露

金鬱凝陰布涼宵白露濡暑除知雨歇寒淺未霜敷
桂潤千囊粟荷擎萬顆珠塞鴻翔遠渚元鳥啟歸途
備養禽藏食含芬棗剝膚最宜明月夜的爍綴平蕪

秋分

陰生至於酉驗候仲秋中氣判門初入日分田告豐
收聲寂雷電坯戶靜昆蟲潦涸淮河莫瀾安南北同
見星主平治穫稼樂盈充萬寶實倉廩西成農畢功

寒露

律中應無射氣寒露結凝天根昭水涸辰角見霄澄
月皎懸如鏡雲輕散似繪雁鴻來不爽雀蛤化相承
菊砌黃華煥楓屏紅錦蒸欣看滋晚稼序順協休徵

霜降

秋氣益嚴肅戒寒露作霜降原臨冷節收物應清商
捕獸豺陳祭來賓雁向陽離披草變綠搖落葉全黃
天駟層霄見蟄蟲深穴藏楓林添絢爛青女炫容光

立冬

陽月百工歛初冬萬物成小春彌宇宙大饗會公卿
穫稻爲佳釀躋堂稱兕觥水凝冰始結地凍氣將盈
雉入水爲蜃龜塗血用牲黃綿舒愛日和煦被羣生

小雪

氣寒先集霰作雪始霏微見睨薄糝化隨風細屑飛
潛藏虹不見閉塞歲將歸上達天心迴下凝地脈肥
沐膏欣浹洽承澤豈依稀高宇同雲釀已徵盈尺機

大雪

暢月重陰結雰雰大雪敷六花新蕊拓三白瑞徵符
梅共舒瓊萼冰同朗玉壺無聲潛鵲旦有感合於菟
荔挺出林角芸根生戶隅鱗塍遍皎潔宿麥沐涵濡

冬至

羲馭行南至極陰物候推天心七日復地底一陽來
線益金閨繡室飛玉琯灰蚓蟲依序結塵角及時摧
泉動滌深壤雲書煥上台展禋大報本生物氣機恢

小寒

不周風翳發氣肅釀輕寒乘屋田功歛于茅民力殫
占風雁程啟擇向鵲巢安錦雉鳴有鷺土牛攘去殘
嘗魚薦宗廟修器勸農官已屆嘉平節迎新慶履端

大寒

來復機初暢大寒氣始宣嚴疑颶若箭栗烈火無烟
峙靜雜方乳林疎鳥疾穿層冰徹上下沍凍倍剛堅
默契乾坤奧敬持造化權萬年週甲子元會妙推遷

七言排律

恭和

御製至盛京再疊癸亥七言長律十四韻元韻

欽命

和韻

陪京四詣

駕徂東王氣翹瞻護鬱蔥祇謁

橋山儀告備載臨

原廟典攸同羹牆

永慕繩

先志

冊寶親陳展

敬躬遠嶂蟠龍環野外崇樓翔鳳麗居中迴旋帶水
朝滄海截嶠金城插碧空長仰土階尊

闕寢詎誇雕護飾珠櫳十亭僉議朝無黨一木高標
諫有功丹水青邱彰本實堯封禹甸息衝攻

熙朝應邁岐陽宅

聖代雄超沛上宮父老謳歌懷澤久兒童歡抃樂時

豐長存

勤政愛民志益勵敬

天法

祖衷武備聿修輿地拓

文思光被日星融

神畿賦就應卑固盛禮儀垂遠陋通

萬乘來臨瞻赫奕青精高捧五雲紅

恭和

御製題文溯閣元韻

遍校人間未見書試窺天府更何如
多文正攬同文後分貯還瞻合貯初
淵已盡探源積石津須好逮溯
方諸義軒治統今焉是周孔心傳

帝曰予尺璧寸陰搜未暇殘編剩簡採毋虛魯魚亥
豕差訛訂鳥火雲龍紀籍儲邠館

命藏斯備矣泮宮布教庶興歎敬惟

祖武開先覺惟一惟精道有餘

賦得循名責實

眞學旁招崇

盛世虛聲蔓發盡宜刪務名炫彩雖云美徵實披沙
亦孔艱莫愛舜榮迎候馥難同古木後凋顏藍田得
玉稱嘉品赤水求珠見大還派衍千源終溯海功完
一簣始成山推尋賓主分羊質綜核精微見豹斑佐
治文章先賈董呈能辭藻亦揚班

聖朝取士憑經術豈獨摛華翰墨間

喜雨入韻

恰過清明臨上巳如膏甘澤喜連宵

宸衷正愜郊原沃

天眷羣欣歲序調東作方興宜灌溉西成早卜定豐
饒山桃色艷紅添蕊岸柳絲柔綠綴條遠罨連屏籠
翠黛低縈曲浦纖鮫綃影迷竹霧音清夏夢起梨雲
香暗飄阡陌優霑培宿麥耕耘初動益新苗田盤潤
景供

遊豫珠玉

奎章下九霄

秋雨八韻

塞上連年肅父調新秋時雨又瀟瀟松鍼點滴絲輕
貫荷葢勻圓珠亂跳響夏泉琴溪未漲滋敷林幄葉
將飄花沈蝶翅伶俜墜苔重蛩音卽漸消簷竹繁聲
盈鉅砌簾鉤逸韻答疏寮遠峯破霧高浮髻曲沼拖
烟淨展綃占應洗兵賊氛蕩候宜潤稼歲功饒尤欣

澄霽暝禾黍農樂佳徵

帝德昭

經畧額勒登保參贊德楞泰奏報三省底定餘

尊全平詩誌感慰

戡定軍書去臘呈又逾春夏報全平兆民復業哀差
慰八載籌戎事辛成

考佑於昭均沐澤

天心厭亂始休兵毒痛赤子虞流患盜弄潢池豈遠

征穴倚南山賊屢竄機遲西蜀將頻更練團合力戴
功速褒鄂抒忠晉爵榮元氣未蘇益戒滿官常宜飭
願持盈稍酬

遺志倍兢業安不忘危永矢誠

謁明陵入韻

有序

伊古光宅區宇正大莫如本朝及今護視園陵
恩禮尤深勝國溯自天戈所指爲翦除覆社之
仇迨夫神器攸歸先改節闕宮之制錫胙則侯

封世及致享則祀典時修斯實

德協神人

量侔天地矣至我

皇考巡行南國載瞻鍾阜之松楸

蹕莅昌平重葺壽山之榱桷前朝壓勝之非申此

日樵蘇之禁推三恪未同之典擴千古未著之

經予小子敬紹

前徽殷懷往鑒臨茲奠醑仍昔日隨

鑾觀法之心賦此篇章體當年

示訓不忘之意十三陵常新丹雘永懷我

祖

考燕翼貽謀億萬載式固金甌敬告予子孫鴻圖續

緒詎止行春省歲漫紀遊觀亦惟錫類推仁誌

其慨歎云爾

請兵雪恨逐流賊正位中華大統彰代謝應

天泯德怨敬勤御極鑒興亡封侯布惠

祖恩浩發帑修陵

考澤洋嚴禁採樵仍守護重新闕殿免殘荒至今未
絕春秋祀稽古孰存典籍詳鍾阜曾瞻龍虎踞壽山
始觀檜松蒼漫論形勝皆陳蹟益感廢成飭大防酹
奠階前衷倍凜求安圖治念苞桑

至盛京恭依

皇考癸卯七言長律十四韻元韻

十年積慕始來東祀蒧

三陵望鬱蒸受璽辰元

恩實渥隨

變癸歲事難同陪京赫奕恢

鴻緒故國瞻臨愧藐躬門闕大清開正統殿隆崇政
建居中鳳凰翔集陵高宇山海迴環衛遠空卜域乘
乾啟魏闕宅都

示儉屏

上聲

雕瓏入旗式廓金湯業九宇全收帶礪功

特舉禮儀頌時邁未陳田獵詠車攻衣冠遵守承

先訓

弓劍尊藏履故宮地軸左旋欽出震星杓右指慶綏
豐

祖基鞏固貽千禩

考澤優深勉寸衷賜復齋租循典則臨軒錫宴洽昭

融

羹

牆若觀

音容著

陟降虔希感格通

神幔永陳

言在耳悲看土壁目眶紅

補繪皇清職貢圖成卷恭依

皇考前題元韻

化成久道世長春南朔東西

聖澤均有覺咸臨全浹洽無思不服永

尊親疆開二萬懷

邁惠治定要荒盡率賓

祖烈

考謨大同普內安外靖小康臻寅承益凜

貽謀訓申命重圖入覲人格被殊方

功德遍漸摩異域悅來真

摘詞冠卷瞻辛巳

授璽傳心溯丙辰戒滿持盈鹽勤敬衷殷保泰舊章

循

五言絕句

文津閣四詠

趣亭

四柱臨巖畔石欄松下分
偶來尋靜賞得趣引南薰

月臺

林疎不礙風臺高先得月
琅函散天香地近廣寒闕

真樹

臨風披古翠嘉樹玉階羅培植非人力百年雨露多

假山

九仞功全歲又欣一簣增環池疊岡阜徑曲步峻嶒
無邊風月之閣

三千復大千風月喜無邊水面波紛起天心鏡朗懸
卽事

不幸中之幸聊爲卽事吟賊氛漸消歇伍逆又生擒
漢北民歸業南山已肅清移師掃鄖竹可望大功成

河決渾流濊畿南被重災叩

天速宥罪蒿目寸心哀

甲子又逢雨凝陰應咎徵拯黎竭心力思過益兢兢
六言絕句

蔣溥十八羅漢

筆花墨雨飛灑幻出十八應真常住虛空不壞六根
六識六塵

不遮山樓

峯頂層樓益迥高高超出蠶叢不遮別有精意闢門
明目達聰

蘊真齋

萬事紛來雜錯心如明鏡懸空性海天真靜蘊滿懷
霽月光風

七言絕句

填倉日二首

填倉心願副嘉名耕九餘三百室盈共慶禾登書大

有年豐食足順民情

暖旭輝窗晝漏長
唐花髣几吐清香
靜觀節候拈吟
便漸喜春園萬卉昌

上元燈詞

不夜韶華燦御園
珠燈寶月燭微垣

上皇康健仍

行慶歡動中朝及外藩

樓西璀璨列鰲山
旋轉謳歌意態閒
漫道天方呈巧

技竿頭進步實云艱

安南緬甸兩金川率舞庭前各極妍共仰

聖人十全武又羸一續靖烽烟

內侍傳呼放萬花花開頃刻掞光華一簾明月懸高
宇百尺金燈漾晚霞

接席親依

笑語和稽諸史冊實勝他珍飴粉荔承

恩賜盛事流傳蹟漫磨

一道流霞下遠天
星星智火徹中邊
赤龍飛舞看周徧
電掣雷殷妙技宣

豈爲遊觀誇艷麗
總敷

聖澤示懷柔
聯情中外嘉賓洽
山海梯航職貢修
聆

訓持躬戒滿盈
敬遵

天語寸衷誠
元宵令節承

歡賞寰宇豐登慶
太平

射圃四事 有序

國家以神武開基統壹寰宇

家法相承毋忘克詰是以弧矢之利習慣自然遵循
前典敬扈

宸輿清暑山莊以俟木蘭行獵乘暇爰集近御侍衛
每日分班校射用以觀德習勞交輟則權其強
弱納房則辨其楷良準遠近於樹侯驗習巧於
棲鵠四者殆不可闕一也

弓

冬幹春膠合取材手柔弓燥矢飛催懸弧義自初生
始觀德原從射藝推

矢

赤羽青莖器必純豈論仁者獨函人左支右屈雖長
技欲中反求諸已身

侯

四侯古制相沿久虎豹熊麋各繪形命中三連

頒賞賚詰戎施惠示儀型

鵠

爲人君者爲

君鵠習武攸關

家法垂廿發中能連十九敬承

心德勉勤思

登鍾峯落照亭子恭和壁間

皇會祖舊題詩韻

魏煥

天文素壁留輝澄

聖日燭高秋四圍山色常如是爽籟遙翻林影幽

湛然室口號

水中撈月原無影鏡裏拈花未有香方寸誠能常湛
湛照空五蘊現清涼

古意軒口號

山色溪聲太古意偶來一飯亦前緣促成口號鳴鞭

去不落語言文字禪

觀書有會

幾間古籍自編摩
宛若書齋幾几哦
帝德聖功相印證
始知得少失誠多

四子書爲百王鑑
愧子質魯未探尋
治民舍此無他術
誠貫天人理最深

聞鴈

一行碧落望衡陽
雲表清聲度遠岡
中外清寧消戍

卒無須錦字寄家鄉

淙玉軒

不盡溪聲繞檻流
淙金淙玉韻清幽
世尊白具青蓮
眼芥子須彌總一
漚

敬題棉花圖恭依

皇考原韻

有序

衣被繫民生之命
條桑事重幽圖諮
諏廣物土之宜服
卉制原禹貢名沿
吉貝植異木而呼
棉

譜冠羣芳莖作花而吐雪朔白

奎文首煥賦心涵宇宙之春洎夫曩吏臚陳繪事約
穠纖之采荷

宸篇於黼座十六標題

軫民莫於沙區

九重洞矚貞珉細勒圖系說以增輝

寶墨珍函賡載歌而不朽緬心臧之

垂訓寧一夫或受之寒塵力作以

授時惟大地不愛其寶祇繙舊帙宛觀熙臺舍下隰

而就高邈功每同夫穠蓂竢取材而期落實利

遂溥於垓埏若乃選核培根種分晚植疏畦汲

井候驗陰晴由三耘以逮七耘似良苗之去莠

許一摘而仍再摘如佳茗之抽萌實亦稱花絮

含苞而簇錦暄還待曝場溢箔以堆雲入市肩

頽販易直參菽粟踏車子淨簸揚似絕秕糠彈

木弓而引蠟弦和鄰舂之相杵卷花簫而扞竹

管凭食案以搓條絡緯聲喧綫隨輪其軋軋經
床影直羅列架兮紘紘漿與刷相須湯經幾沸
杼隨機互運緒豈虞棼縱橫合以文成依然太
素練染深而質判美矣含章綜半耕半織之勞
非一手一足之烈圖披甲乙本閭閻襦袴之源
課閱春秋寓廊廟經綸之用比絲人之納賦繭
縑皆出自寒閨匪園客之呈竒刀尺預謀夫晚
歲麗密數純綿之美入蠶詎倭江鄉勤劬類終

畝之艱九屬交資農正憶昔深憐袒褐窮檐敷
挾纊之仁撫茲轉厭羅紈前殿遑焚裘之詔處
細旃廣厦而不忘戰瘡日寒燠相彼小民合近
畿遠服而共煦溫暾維宵旰敦斯本計拈毫寫
韻陋海隅空羨紫茸體物摘詞冀日下同歡黃
襖敬成七字敢繼

元音

佈種

祖賦

考題重本原勤求民瘼溯

心源冬收選核待春布候應清明木德元

灌溉

種擇高原脈土良功先鑿井利殊方欲期吉貝被身
煖不憚勤劬運臂忙

耘畦

花繁茸細茂平臯長日鋤耘力作勞念此艱辛厭纂

組時看在笥舊綈袍

摘尖

旁達尖除始判然冒炎羣趁雨餘天勤勞婦女同蠶
事南北土風著象詮

採棉

實生花落用胥同盈畝共襄採摘功春種夏耘秋始
結繪圖題什補豳風

揀曬

廣場曝曬慶西成黃白紛羅擇必精積雪鋪雲溢庭
院符占更願孟冬晴

收販

新棉充羨入屢居價值有恒每歲如爲市日中皆樂
利懋遷轉運徧車輿

軋核

上轂下鈎互轉旋核分花細出輕棉工同碾軸農家
器利用厚生本自然

彈花

弓彎短勁蠟弦弼彈擊花衣應手成畫杵宵砧相倡
和連村總是太平聲

拘節

束帛卽棉本易言條分筵卷紡車源引端抽緒渙斯
合進步用功豈憚煩

紡綫

握條轉鋌運輕車引緒成斤逐日加念切民依重本

計應强富室炫羅紗

挽經

牽經理緒萬千絲北架南牀俗尙其旋繞縱橫自不
紊心閒手敏便操持

布漿

束綯沃汁異南方絡以支稜旋轉强案衍平鋪兩端
直功加帚刷益勻漿

上機

柚經杼緯理千絲高下相環徐引之要領手持息紛
擾尋端就緒事咸宜

織布

縱橫梭織用功同縝密不求花樣工布帛禦寒勝錦
繡黃棉普被播淳風

練染

染成五色合精粗耕織功兼比戶需敦俗勸民繼
先志載賡

天藻續題圖

皇清文頴續編

八卷首五十六

詩

五